



UNIVERSITÄTS-
BIBLIOTHEK
PADERBORN

**De Rebus Iaponicis, Indicis, Et Pervanis Epistolæ
Recentiores**

Hay, John

Antverpiae, 1605

Residentia Focamensis.

[urn:nbn:de:hbz:466:1-61204](https://nbn-resolving.org/urn:nbn:de:hbz:466:1-61204)

tentur. Alter verò annis prouectior dixit, optabile esse, in absentia Toni nullos in vrbe excitari tumultus. Amandauit ergo quendam ad fratrem rogatum, vt nondum initium faceret prædicationi, sed vt per dissimulationem abiret quæsitum Patrem, qui dimidia tantùm leuca inde aberat: se rebus tranquillaribus cum euocaturum ad prædicandum vxori suæ & toti familiæ: hac occasione confidere se multos alios ad Christum venturos. Rebus ergo compositis, hic nobilis fratrem reuocauit, qui absolutis suis concionibus, 160 adultos, cum pijs tantùm essent nonaginta, tradidit Patri baptizandos. Gentiles quidam, qui sermoni præstò erant, cum Icoscii tumultum illum excitarent, fratrem iam discessum parantem rogarunt, vt pceptorum puerulos saltem baptizaret, se breui eorum exemplum locuturos.

Christianus inops, cui olim & ampli redditus & copiosa superpetebant seruitia, rogatus est ab homine locuplete, si sibi filiam suam prostituendam dare vellet, se illi affatim compeatus ad vitam sustentandam ministraturum. Quid faceret bonus vir? Clam cum filia confestim discedit, adit Patrem non longè remotum, obsecrat, vt filiam suam nuptui collocet potius cù vilissimo piscatore, quàm vt in laqueos diaboli se induat. Verùm, vt diuina prouidentia nunquam deserit timentes se, paucis post diebus nobilis quidam diues filio suo eam in vxorem postulauit: & nunc ambo in laudato matrimonio vitam piam ducunt.

RESIDENTIA FOCA- MENSIS.

ET hæc sedes Patrem vnum & fratrem habet. Quorum studio confessi sunt homines his mille, communicarunt 310, baptizati item multi. Christiani his locis valde absterrent à criminibus; maximè carnalibus, & rogati ferè respondent in hæc verba: Pater, à quo tempore mihi aditum adesti ad sacramentam, non amplius relabor in ista vitia.

Plurimum in eam rem eis prodest B. Virginis Sodalitium, cuius opere rectius memoriæ insculpunt consuetas orationes. Senariarius quidam consocius à se postero die exigendum orationem pensam, non antè voluit cibum sumere, quàm pensam persoluisset. Pueruli quinquennes vel sexennes, dum in æde sacra vident à feminis iuxta ac viris repeti, quæ duo pueri docuere, domum reuerfi per vias inter æquales vicarim recitant orationes & alia. ita factum

factum est, ut plerique omnes, qui nōdum septimum attigere annum, & orationes & capitula decem tam promptē reddant, ut aliorum possint esse Doctores.

Tonus loci cuiusdam iussit omnes suos ad Ecclesiam signo sonoro euocari, & si cunctantius accederent post concionem iam inchoatam, repellebat eos, dicēs; ob negligentiam sancta doctrina indignas: quo studio effecit, ut omnes tempestiuē deinceps adessent.

Christiano cuidam petenti calculum benedictum Pater negavit, quod sacram ædem non frequentaret: cumque ab eodem rogaret, num teneret orationes: respondit, non, sed se statim memoriam mandaturum. Sic fecit, & post triduum reuersus, è memoria recitauit. Erat hic homo de utroque; mutilus, nec nisi genuum manuumque opera progredi poterat, & tamen ad obtinendum unū globulum piacularē non dubitauit per arduum asperumque mortem ad magnæ leucæ interuallum huc prorepere.

Octogenarius senex apud suos in pretio cum in morbum incidisset, & facile posset euocare aliquem Patrem, tamen maluit per consanguineum suum indicare Patri, ob incommoda longioris viæ se noluisse eum euocare. itaque ipse æger se in viam dat, ut querat Patrem confessionis faciendæ causa, ac tandem tertio die ad eum peruenit, & à peccatis absolutus est.

Similiter & mulier vterum gerens huc illucque discurrens per dies tres, ut copiam Patris habere possit, tandem in quendam incidit, & sordes animi sui deterisit. Alia exigua sua villa derelicta, in aliam ditionem dum iter haberet, ad audiendam ibi rem diuinam, sensit se a serpente ictam, & tamen iter prosecuta est, sacram ædem ingressa; Missam concionemque, nullo signo, vel vultu, vel voce doloris, quem tamen senserat acerrimum, dato, audiuit. Ea finita Patri humiliter reuerentēque totam rem patefecit. Patet mox antidotum adhiberi iubet, ilico mulier sanatur, & lata consolationēque plena ad suos redit.

RESIDENTIA VCHIMENSIS.

POST institutam sodalitatē, Vchimenses Christiani, qui versantur in ditione Domini Sancti Omurani, tantum in pietate Christiana profecere, ut suo opte nutu, à nullo impulsu, excitant ædem sacram amplissimam, in qua quoties recitant piscationē margaritarum, semper aliquas Beatiss. Virgini offerunt. Quorum simplicitatē sinceramque pectus respiciens ben-